

## INFORME SOBRE O PROXECTO DE ORDE POLA QUE SE APROBA O MANUAL DE USO DOS DISTINTIVOS DA ARTESANÍA ALIMENTARIA.

Esta Secretaría Xeral Técnica, en cumprimento do disposto no artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, emite o seguinte,

### INFORME

#### 1. Obxecto e estrutura

O obxecto do presente proxecto de orde é aprobar o manual de uso dos distintivos da artesanía alimentaria.

O proxecto de orde estrutúrase nun único artigo e unha disposición derradeira.

#### 2. Marco normativo e competencial

O Estatuto de autonomía de Galicia, no seu artigo 27.17, determina que corresponde á Comunidade Autónoma de Galicia a competencia exclusiva en materia de artesanía.

De conformidade co Decreto 149/2018, do 5 de decembro, polo que se establece a estrutura orgánica da Consellería do Medio Rural e se modifica parcialmente o Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia, a Consellería do Medio Rural é o órgano da Administración Pública galega ao cal lle corresponde propor e executar as directrices xerais do Goberno no ámbito rural, que engloba as competencias en materia de agricultura, gandería, desenvolvemento rural e ordenación comarcal, estruturas rurais, industrias alimentarias, montes, prevención e defensa dos incendios forestais, de acordo co establecido no





Estatuto de Autonomía para Galicia e segundo os termos sinalados pola Constitución española, na forma establecida nese decreto.

O Decreto 174/2019, do 19 de decembro, no capítulo IV regula o Rexistro da Artesanía Alimentaria, no que se inscribirán as empresas artesanais que realicen unha actividade alimentaria das que figuran no anexo I do dito decreto. A inscrición no rexistro faculta as empresas inscritas a usar os distintivos identificadores a que se refire o artigo 31 do citado decreto nos produtos que cumpran na súa elaboración o establecido nel e na norma técnica correspondente a cada actividade específica.

Por outra parte, a disposición derradeira segunda do devandito decreto faculta a persoa titular da consellería competente en materia de agricultura para ditar cantas disposicións sexan necesarias para a aprobación dos distintivos da artesanía alimentaria e do manual de uso destes.

### 3. Tramitación

O expediente relativo ao proxecto de Orde pola que se aproba o manual de uso dos distintivos da artesanía alimentaria está integrado pola seguinte documentación:

-Acordo de inicio da tramitación do anteproxecto de orde, asinado polo conselleiro do Medio Rural en data 16 de xuño de 2022.

-Memoria xustificativa e económica asinada polo director da Axencia Galega da Calidade Alimentaria

- Informe da Subdirección Xeral de Réxime Xurídico de data 29.06.2022.

Polo que respecta á instrución na elaboración do proxecto normativo, esta encadrouse no procedemento legal e nas prescricións contidas nos artigos 40 a 44 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

De conformidade co artigo 41.4 da Lei 16/2010, do 17 de decembro, a aprobación inicial do anteproxecto como proxecto pola persoa titular da Consellería do Medio Rural tivo lugar en data 30.06.2022.





O texto foi publicado no Portal de Transparencia e Goberno Aberto, en cumprimento do disposto na Lei 1/2016, do 18 de xaneiro, de transparencia e bo goberno e nos artigos 41 e 42 da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

Na fase intermedia de tramitación, foi sometido aos seguintes trámites:

*Informes e ditames:* durante a tramitación pronunciáronse sobre o proxecto os seguintes órganos:

- Informe da Dirección Xeral de Simplificación Administrativa de data 05.07.2022
- Informe de impacto de xénero da Secretaría Xeral da Igualdade de data 05.07.2022.
- Informe da Dirección Xeral de Planificación e Orzamentos de data 11.07.2022.

Na fase final da tramitación, foi sometido ao informe da Asesoría Xurídica da Xunta de Galicia, emitíndose o informe en data 15 de agosto de 2022.

En cumprimento do disposto no artigo 43.4 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, o proxecto someterase a aprobación da persoa titular da Consellería do Medio Rural.

De conformidade co exposto, esta Secretaría Xeral Técnica informa favorablemente o proxecto de Orde pola que se aproba o manual de uso dos distintivos da Artesanía Alimentaria.

Santiago de Compostela, na data da sinatura dixital

O secretario xeral técnico  
Nicolás Vázquez Iglesias

